

全上古三代秦漢三國六朝文

全三國文卷十九

烏程嚴可均校輯

魏十九

陳王植

大饗碑

序

惟延康元年八月旬有八日辛未魏王龍興踐祚規恢鴻業構亮  
皇基萬邦統世忿吳夷之凶暴滅蜀虜之僭逆王赫斯怒順天致  
罰奮虓虎之校簡猛銳之卒爰整六軍率匈奴暨單于烏桓鮮卑  
引弓之類持戟百萬控弦千隊立甲曜野華旗蔽日天動雷震星  
流雷發戎備素辦役不更藉農夫安疇商不變肆是日士有拊譟  
之騷民懷惠康之德皇恩所漸無遠不至武師所加無強不服故  
覓令西飛則蜀將東馳六旆南徂則吳黨委質二虜震驚魚爛陷  
潰將汜舟三江之流方軌叩來之阪斬吳夷呂染鉞血蜀虜日斃

鼓曜天威于遐裔復九圻之疆寓除生民之災孽去聖皇之宿憤  
次于舊邑觀釁而動築壇壝之宮置表著之位大饗六軍爰及譙  
縣父老男女臨饗之日陳兵清涂慶雲垂覆乃備俾禦整法駕設  
天宮之列衛乘金華之鸞路達升龍于太常張天狼之威弧千乘  
風舉萬騎龍驤威靈之飾震曜康衢既登高壇陰九增之華蓋處  
流蘇之幄坐陳旅酬之高會行無算之酣飲旨酒波流肴烝陵積  
簪師設縣金奏讚樂六變既畢乃陳祕戲巴俞九劍奇舞麗倒衝  
夾踰鋒上索踰高舩鼎緣橦舞輪摘鏡騁狗逐兔戲馬立騎之妙  
技白虎青鹿辟非辟邪魚龍靈龜國鎮之怪獸瓊變屈出異巧神  
化自卿校將守已下下及陪臺隸園莫不歆淫宴喜咸懷醉飽雖  
夏啟均臺之饗周成岐陽之飮高祖邑中之會光武舊里之宴何  
日尚茲是日刊石立銘光示來葉其辭曰

赫王師征南裔奮靈威震天外吳夷誓蜀虜竄區夏清八荒艾幸

舊邦設高會皇德洽洪恩邁刊金石光萬世蘇軾十九年準魏敬侯碑陰云

大發碑銜觀文並書天下碑錄引圖經云曹子建文鍾繇書今姑錄入子建集後攷

承露盤頌銘并序

夫形能見者莫如高物不朽者莫如金氣之清者莫如露盛之安者莫如盤皇帝乃詔有司鑄銅建承露盤莖長十二丈大十圍上盤徑四尺九寸下盤徑五尺銅龍繞其根龍身長一丈背負兩子自立于芳林園甘露仍降使臣為頌銘蘇文類聚九十八初學記二御覽十二七百五十八敝之天壤昌顯元功文選沈約齊安陸王碑文注

右頌

岌岌承露峻極太清神石礪硯洪基岳停下潛醴泉上受雲英和氣四充翔風所經匪我明后孰能經營近歷闢度三光朗明殊俗歸義祥瑞混并鸞鳳晨棲甘露霄零神明攸協高而不傾奉戴巍巍恭統神器固若露盤長存永貴聖賢繼跡奕世明德不忝先功

保茲皇極垂祚億兆永荷天秩

藝文類聚七十三

右銘

寶刀銘

造茲寶刀既礪既礪匪曰尚武予身是衛麟角匪觸驚距匪歷

藝文

類聚六十初學記二十一  
二御覽三百四十六

光祿大夫荀侯誄

建安十七年

如冰之清如玉之潔法而不威和而不藝百僚士庶欬歔霑纓機

女投杼農夫輟耕輪給輒而不轉馬悲鳴而倚衡

藝文類聚四十九

王仲宣誄

惟建安二十二年

藝文類聚作三年

正月二十四日戊申魏故侍中關內

侯王君卒嗚呼哀哉皇穹神察詰人是恃如何靈祇殲我吉士誰

謂不庸早世即冥誰謂不傷華繁中零存亡分流天遂

藝文類聚作墜同

期朝聞夕沒先民所思何用誄德表之素旗何已贈終哀已送之

遂作誄曰

猗歟侍中、遠祖彌芳、公高建業、佐武伐商、爵同齊魯、邦祀絕亡、流裔畢萬、勲績惟光、晉獻賜封、于魏之疆、天開之祚、末胄稱王、厥姓斯氏、條分葉散、世滋芳烈、揚聲秦漢、會遭陽九、炎光中燿、世祖撥亂、爰建時雍、三台樹位、履道是鍾、寵爵之加、匪惠惟恭、自君二祖、爲光爲龍、僉曰休哉、宜翼漢邦、或統太尉、或掌司空、百揆惟敘、五典克從、天靜人和、皇教遐通、伊君顯考、奕葉佐時、入管機密、朝政已治、出臨朔岱、庶績咸熙、君已淑懿、繼此洪基、既有令德、材技廣宣、強記洽聞、幽讚微言、文若春華、思若涌泉、發言可詠、下筆成篇、何道不洽、何藝不閑、基局逞巧、博奕惟賢、皇家不造、京室隕顛、宰臣專制、帝用西遷、君乃羈旅、離此阻難、翕然鳳舉、遠竄荆蠻、身窮志達、居鄙行鮮、振冠南嶽、濯纓清川、潛處蓬室、不干勢權、我公奮鉞、耀威南楚、荆人或違、陳戎講武、君乃義發、算我師旅、高尚霸功、

投身帝宇、斯言既發、謀夫是與、是與伊何、響我明德、投戈編郤、稽顙漢北、我公實嘉、表揚京國、金龜紫綬、已彰勳則、勳則伊何、勞謙靡已、憂世忘家、殊略卓峙、乃署祭酒、與君行止、算無遺策、畫無失理、我王建國、百司僇人、君曰顯舉、秉機省闕、戴蟬珥貂、朱衣皓帶、入侍帷幄、出擁華蓋、榮曜當世、芳風掩藹、嗟彼東夷、憑江阻湖、騷擾邊境、勞我師徒、光光戎路、霆駭風徂、君侍華轂、輝輝王塗、思榮懷附、望彼來威、如何不濟、運極命衰、寢疾彌留、吉往凶歸、嗚呼哀哉、翩翩孤嗣、號慟崩摧、發軔北魏、遠迄南淮、經歷山河、泣涕如頽、哀風興感、行雲徘徊、游魚失浪、歸鳥忘栖、嗚呼哀哉、吾與夫子、義貫丹青、好和琴瑟、分過友生、庶幾遐年、攜手同征、如何奄忽、棄我夙零、感昔宴曾、志各高厲、予戲夫子、金石難弊、人命靡常、吉凶異制、此驩之人、孰先殞越、何寤夫子、果乃先逝、又論死生存亡、數度子猶懷疑、求之明據、儻爾有靈、游魂秦素、我將假翼、飄颻高舉、超

登景雲、要子天路、喪柩既臻、將反魏京、靈輜迴軌、白驥悲鳴、虛廓  
無見、藏景蔽形、孰云仲宣、不聞其聲、延首歎息、兩泣交頸、嗟乎夫  
子、永安幽冥、人誰不沒、達士尚名、生榮死哀、亦孔之榮、嗚呼哀哉、

文選又燕文  
類聚四十八

### 武帝誄

於惟我王、承運之衰、神武震發、羣雄殄夷、拯民于下、登帝太微、德  
美旦奭、功越彭韋、九德光備、萬國作師、寢疾不興、聖體長歸、華夏  
飲淚、黎庶含悲、神翳功顯、身沈名飛、敢揚聖德、表之素旗、乃作誄  
曰、

於穆我王、胄稷膺周、賢聖是紹、元懿允休、先侯佐漢、實惟平陽、功  
成績著、德昭二皇、民已盥一、興詠有章、我王承統、天姿時生、年在  
志學、謀過老成、奮臂舊邦、翮身上京、袁與我王、平交若神、張陳背  
誓、傲帝虐民、擁徒百萬、虎視朔濱、我皇赫怒、戎車列陳、武卒號關、



如雷如震、機槍北埔、舉不浹辰、紹遂奔北、河朔是賓、振旅京室、帝  
嘉厥庸、乃位承祖、總攝三公、光受上爵、君臨魏邦、九錫昭備、大路  
火龍、玄監靈蔡、探幽洞微、下無僞情、姦不容非、敦儉尚古、不玩珠  
玉、曰身先下、民曰純樸、聖性嚴毅、平修清一、唯善是嘉、靡疏靡昵、  
怒過雷霆、喜踰春日、萬國肅虔、望風震慄、既總庶政、兼覽儒林、躬  
著雅頌、被之瑟琴、茫茫四海、我王康之、微微漢嗣、我王匡之、羣桀  
扇動、我王服之、喁喁黎庶、我王育之光、有天下、萬國作君、虔奉本  
朝、德美周文、曰寬克眾、每征必舉、四夷賓服、功踰聖武、翼帝王世、  
神武鷹揚、左鉞右旄、威凌伊呂、年踰耳順、體恤忠肅、乾乾庶事、氣  
過方叔、宜竝南嶽、君國無窮、如何不用、禍鍾聖躬、棄離臣子、背世  
長終、兆民號咷、仰愬上穹、既曰約終、令節不衰、既卽梓宮、躬御綈  
衣、璽不存身、唯紼是荷、明器無飾、陶素是嘉、既次西陵、幽閨啟路、  
羣臣奉迎、我王安厝、窈窕玄宇、三光不入、潛閣一扃、尊靈永蟄、聖

上臨穴哀號靡及羣臣陪臨佇立目泣去此昭昭于彼冥冥永垂

兆民下君百靈千代萬乘曷時復形藝文類聚十三

聰竟神理文選謝靈運從游京口北固詩注

人事既闕總鏡神理文選謝靈運述祖德詩注

任城王誄黃初四年

昔二號佐文旦爽翼武於休我王魏之元輔將崇懿迹等號齊魯

如何奄忽命不是與仁者悼沒兼彼殊類矧我同生能不慙悴目

想官墀心存平素髣髴魂神馳情陵墓凡夫受命達者徇名王雖

薨殂功著丹青人誰不沒貴有遺聲乃作誄曰

幼有令質光耀珪璋孝殊閔氏義達參商溫溫其恭爰柔克剛心

存建業王室是匡矯矯元戎雷動雨徂文選褚淵碑文注作雲徂橫行燕代威

懾北胡奔虜無竄還戰高柳王率壯士常為軍首宜究長年永保

皇家如何奄忽景命不遐同盟飲淚百僚咨嗟藝文類聚四十五

文帝誄

并上表

陞青雲而誕德

文選沈約齊安陸王碑文注引曹植上文帝誄表

惟黃初七年五月七日大行皇帝崩嗚呼哀哉于時天震地駭崩山隕霜陽精薄景五緯錯行百姓吁嗟萬國悲傷若喪考妣恩過慕唐撥踊郊野仰想穹蒼僉曰何辜早世殞喪嗚呼哀哉悲夫大行忽焉光滅永棄萬國雲往雨絕承問荒忽惛惛哽咽袖鋒抽刃歎自僵斃追慕三良甘心同穴感惟南風惟曰鬱滯終于偕沒指景自誓攷諸先記尋之哲言生若浮寄唯德可論朝聞夕逝孔志所存皇雖壹沒天祿永延何曰述德表之素旌何曰詠功宣之管絃乃作誄曰

皓皓太素兩儀始分

中和御覽一作神利

產物肇有人倫爰暨三皇實秉

道真降逮五帝繼曰懿純三代制作踵武立勳季嗣不維網漏于秦崩樂滅學儒坑禮焚二世而殲漢氏乃因弗求古訓羸政是遵

王綱帝典、闡爾無聞、求光幽昧、道究運遷、乾坤迴歷、簡聖授賢、乃  
眷大行、屬曰黎元、龍飛啟祚、合契上玄、正行定紀、改號革年、明明  
赫赫、受命于天、仁風偃物、德曰禮宣、祥惟聖質、岐嶷幼齡、研幾六  
典、學不過庭、潛心無罔、抗志青冥、才秀藻朗、如玉之瑩、聽察無響、  
瞻覩未形、其剛如金、其貞如瓊、如冰之潔、如砥之平、爵公無私、戮  
違無輕、心鏡萬機、攬照下情、思良股肱、嘉昔伊呂、搜揚側陋、舉湯  
代禹、拔才巖穴、取士蓬戶、唯德是縈、弗拘禰祖、宅土之表、道義是  
圖、弗營厥險、六合是虞、齊契共檢、導下曰純、恢拓規矩、克紹前人、  
科條品制、褒貶曰因、乘殷之輅、行夏之辰、金根黃屋、翠葆龍麟、紉  
冕崇麗、衡紱維新、尊肅禮容、囑之若神、方牧妙舉、欽于恤民、虎將  
荷節、鎮彼四鄰、朱旗所勦、九壤破震、疇克不若、孰敢不臣、縣旌海  
表、萬里無塵、虜備凶徹、鳥殪江岷、摧若涸魚、乾腊矯鱗、肅慎納貢、  
越裳效珍、條支絕域、侍子內賓、德儕先皇、功侔太古、上靈降瑞、黃

初俶祐、河龍洛邇、陵波游下、平鈞應繩、神鸞翔舞、數莢階除、系風  
扇暑、皓獸素禽、飛走郊野、神鐘寶鼎、形自舊土、雲英甘露、纖塗被  
宇、靈芝冒沼、朱華蔭渚、回回凱風、祁祁甘雨、稼穡豐登、我稷我黍  
家佩惠君、戶蒙慈父、圖致太和、洽德全義、將登介山、先皇作儼、鐫  
石紀勲、兼錄眾瑞、方隆封禪、歸功天地、賓禮百靈、勲命視規、望祭  
四嶽、燎封奉柴、肅于南郊、宗祀上帝、三牲既供、夏禘秋嘗、元侯佐  
祭、獻璧奉璋、鸞輿幽謁、龍旂太常、爰迄太廟、鐘鼓鏗鏘、頌德詠功  
八佾鏘鏘、皇祖既饗、烈考來享、神具醉止、降茲福祥、天地震蕩、大  
行康之、三辰暗昧、大行光之、皇紘絕維、大行綱之、神器莫統、大行  
當之、禮樂廢弛、大行張之、仁義陸沈、大行揚之、潛德隱鳳、大行翔  
之、疏狄遐康、大行匡之、在位七載、元功仍舉、將永太和、絕跡三五  
宜作物師、長爲神主、壽終金石、等算東父、如何奄忽、摧身后土、俾  
我榮榮、靡贈靡顧、嗟嗟皇穹、胡寧忍務、嗚呼哀哉、明監吉凶、體遠

存亡深垂典制申之嗣皇聖上虔奉是順是將乃抑玄宇基爲首  
陽擬迹穀林追堯慕唐合山同陵不樹不疆塗車芻靈珠玉靡藏  
百神警侍來賓幽堂耕禽田獸望魂之執于是俟大隊之致功兮  
練元辰之淑禎潛華體于梓宮兮馮正殿曰居靈顧望嗣之號咷  
兮存臨者之悲聲悼晏駕之既疾兮感容車之速征浮飛魂于輕  
霄兮就黃墟曰滅形背三光之昭晰兮歸玄宅之冥冥嗟一往之  
不反兮痛閔園之長扁咨遠臣之渺渺兮成凶諱曰怛驚心孤絕  
而靡告兮紛流涕而交頸思恩榮曰橫奔兮閔闕塞之嶢崢顧衰  
經曰輕舉兮迫關防之我嬰欲高飛而遙憩兮憚天網之遠經遙  
投骨于山足兮文選潘岳哀婦賦注引願投骨于山足報恩養于下庭慨拊心而自  
悼兮懼施重而命輕嗟微軀之是效兮甘九死而忘生幾司命之  
役籍兮先黃髮而隕零天蓋高而察卑兮冀神明之我聽獨鬱伊  
而莫愬兮追顧景而憐形奏斯文曰寫思兮結翰墨曰敷誠嗚呼

哀哉

魏志文  
帝紀注

大司馬曹休誄

太和二年

於穆公侯、魏之宗室、明德繼踵、奕世純粹、闡弘汎愛、仁已接物、甄  
已爲華、體茲亮實、年沒弱冠、志在雄英、高揖名師、發言有章、東夏  
翕然稱曰、龍光貧而無怨、恐曰爲難、嗟我公侯、屢空是安、不耽世  
祿、親悅爲歡、好彼蓬樞、甘此瓢簞、味道忘憂、踰憲超顏、矯矯公侯、  
不撓其厄、呵叱三軍、躬奮雄戟、足蹴白刃、手接飛鏑、終弭淮南、保  
我疆場、甄文類聚  
四十七

卞太后誄

太和四年

率土噴薄、三光改度、陵頽谷踊、五行互錯、皇室蕭條、羽檄四布、百  
姓歔歔、嬰兒號慕、若喪考妣、天下編素、聖哲知命、殉道竇名、義之  
攸在、亦棄厥生、敢揚厚德、本作后德從文選謝  
希逸直貴妃誄注改表之旌旌、光垂罔  
極、已慰我情、乃作誄曰、

我皇之生、坤靈是輔、作合于魏、亦光聖武、篤生帝文、紹虞之緒、龍  
飛紫宸、奄有九土、詳惟聖善、岐嶷秀出、德配姜嫄、不忝先哲、玄覽  
萬機、兼才備甄、汎納容眾、含垢藏疾、仰奉諸姑、降接儔列、陰處陽  
潛、外明內察、及踐大位、母養萬國、溫溫其仁、不替明德、悼彼邊氓、  
未遑宴息、恆勞庶事、兢兢翼翼、親桑簪館、爲天下式、樊姬霸楚、書  
載其庸、武王有亂、孔歎其功、我后齊聖、克暘丹聰、不出房閨、心照  
萬邦、羊踰耳順、乾乾匪倦、珠玉不玩、躬御綿練、日昃忘飢、臨樂勿  
讌、去奢卽儉、曠世作顯、慎終如始、蹈和履貞、恭事神祇、昭奉百靈、  
跼天蹐地、祗畏神明、敬微慎獨、執禮幽冥、虔肅宗廟、蠲薦三牲、降  
福無疆、祝云其誠、宜享斯祐、蒙祉自天、何圖凶咎、不勉斯年、嘗禱  
盡禮、有篤無咎、豈命有終、神食其言、遺孤在疚、承諱東藩、擗踊郊  
甸、灑淚中原、追號皇妣、棄我何遷、昔垂顧復、今何不然、空宮寥廓、  
棟宇無煙、巡省階塗、髣髴櫺軒、仰瞻帷幄、俯察几筵、物不毀故、而



人不存、痛莫酷斯、彼蒼者天、遂臻魏都、遊魂舊邑、大隧開塗、靈將  
斯戢、歎息霧興、揮淚雨集、徘徊輻輳、號咷弗及、神光旣幽、佇立已

泣、款文類  
聚十五

平原懿公主誄

俯振地紀、仰錯天文、悲風激興、霜殿雪零、凋蘭天蕙、良幹目泯於  
惟懿、主瑛瑤其質、協策應期、含英秀出、歧嶷之姿、實朗實一、生在  
十旬、察人識物、儀同聖表、聲協音律、驪眉識往、俛瞳知來、求顏必  
笑、和音則該、阿保接手、侍御充傍、常在襁抱、不停第牀、專愛一宮、  
取翫聖皇、何圖奄忽、罹天之殃、魂神遷移、精爽翺翔、號之不應、聽  
之莫耿、帝用吁嗟、嗚咽失聲、嗚呼哀哉、憐爾早歿、不逮陰光、改封  
大郡、惟帝舊疆、建土開家、邑移蕃王、緄珮惟鮮、朱紱斯煌、國號旣  
崇、哀爾孤獨、配爾名才、華宗貴族、爵曰列侯、銀艾優渥、成禮于宮、  
靈輜交轂、生雖異室、歿同山岳、爰構玄宮、玉石交連、朱房皓壁、臨

曜電鮮飾終備衛法生象存長延繕修神闡啟扉二樞竝降雙魂

孰依人誰不沒憐爾尚微阿保激摧聖上傷悲城闕之詩曰日喻

歲況我愛子神光長滅局關一闔曷其復晰藝文類聚十  
六初學記十

曹仲雍誄業誄與哀辭  
疑止一篇

痛立廬之虛原文選陸機挽歌行  
注引曹植曹芳誄

流塵飄蕩魂安歸文選劉休立墓古詩  
注引曹植曹仲雍誄

案張溥本有蒼舒誄乃文  
帝作誤收之耳今不錄

金瓠哀辭

予之首女雖未能言固目授色知心矣生十九旬而夭折乃作此

辭曰

在緹縈而撫育向孩笑而未言不終年而夭絕何見罰于皇天信

吾罪之所招悲弱子之無辜去父母之懷抱滅微骸于冀土天地

長久人生幾時先後無覺從爾有期

行女哀辭

行女生于季秋而終于首夏三年之中二子頻喪

伊上靈之降命何短修之難裁或華髮已終年或懷妊而逢災感前哀之未闕復新殃之重來方朝華而晚敷比晨露而先晞感逝者之不追情忽忽而失度天蓋高而無階懷此恨其誰訴

曹仲雍哀辭

曹喈字仲雍魏太子之中子也三月生而五月亡昔后稷之在寒水鬻穀之在楚澤咸依鳥鴈虎而無風塵之災今之玄緇文茵無寒冰之慘羅幃綺帳暖于翔禽之翼幽房閑宇密于雲夢之野慈母良保仁乎烏菟之情卒不能延期于期載離六旬而天沒

彼孤蘭之眇眇亮成幹其畢榮哀絲絲之弱子早背世而潛形且四孟之未周將何願乎一齡陰雲迴于素蓋悲風動其扶輪臨埏

闕已歔歔淚流射而霑巾

藝文類聚卷三十四

詰紂文

崇侯何功乃用爲輔西伯何辜囚之囹圄囹圄旣成負士旣盈興

立炮烙賊害忠貞

并氏問見記六

釋愁文

予曰愁慘行吟路邊形容枯悴憂心如焚有玄虛先生見而問之  
曰子將何疾曰至于斯荅曰愁之爲物惟惚惟恍不召自來推之  
弗往尋之不知其際握之不盈一掌寂寂長夜或羣或黨去來無  
方亂我精爽其來也難進其去也易追臨淪困于哽咽煩冤毒于  
酸嘶加之曰粉飾不澤飲之曰兼肴不肥溫之曰火石不消摩之  
曰神膏不稀受之曰巧笑不悅樂之曰絲竹增悲醫和絕思而無  
措先生豈能爲我蒼龜乎先生作色而言曰予徒辯子之愁形未  
知子愁所由生吾獨爲子言其發矣今大道旣隱子生末季沈溺  
流俗眩惑名位濯纓彈冠諮諏榮貴坐不安席食不終味遑遑汲

汲或慘或悴所鬻者名所拘者利良由華薄凋損正氣吾將贈子  
曰無爲之藥給子曰澹泊之湯刺子曰立虛之針炙子曰瀉朴之  
方安子曰恢廓之宇坐子曰寂寞之牀使王喬與子攜手而游黃  
公與子詠歌而行莊生爲子具養神之饌老聃爲子致愛性之方  
趣遐路曰棲跡乘輕雲曰高翔于是精駭意散改心向趣願納至  
言仰崇玄度眾愁忽然不辭而去

藝文類聚  
卷三十五

### 告咎文

五行致災先史咸曰爲應政而作天地之氣自有變動未必政治  
之所興致也于時大風發屋拔木意有感焉聊假天帝之命曰誥  
咎祈福其辭曰

上帝有命風伯雨師夫風曰動氣雨曰潤時陰陽協和庶物曰滋  
亢陽害苗暴風傷條伊周是過在湯斯遭桑林既禱慶雲克舉偃  
禾之復姬公走楚況我皇德承天統民禮敬川岳祇肅百神享茲

元吉釐福日新至若災旱赫義颶風扇發嘉卉呂莢良木呂拔何  
谷宜填何山應伐何靈宜論何神宜謁于是五靈振竦皇祇赫怒  
招搖警怯櫟槍奮斧何伯典澤屏翳司風右呵飛厲顧此豐隆息  
應遏暴元敕華嵩慶雲是興效厥年豐遂乃沈陰坎北甘澤微微  
雨我公田爰既予私黍稷盈疇芳草依依靈禾重穗生彼邦畿年  
登歲豐民無餓飢

藝文類  
卷一百

賜進士出身二品銜廣東等處提刑按察使司按察使兼管驛傳事務黃岡王毓藻校刊

全二國文卷二十

烏程嚴可均校輯

魏二十

中山王衮

衮武帝子建安二十一年封平鄉侯明年徙封東鄉侯改封贊侯黃初二年進爵爲公三年封北海王四年改封贊王七年徙封濮陽太和六年改封中山青龍元年削縣戶七百二十明年復所削縣三年薨諡曰恭王

疾困勅令官屬

吾寡德忝寵大命將盡吾既好儉而聖朝著終誥之制爲天下法吾氣絕之日自殯及葬務奉詔書百衛大夫蓬瑗葬濮陽吾望其墓常想其遺風願託賢靈已弊髮齒營吾兆域必往從之禮男子不卒婦人之手亟曰時成東堂堂成名之曰遂志之堂輿疾往居



之

魏志中山恭王衮傳

令世子

汝幼少未聞義方早爲人君但知樂不知苦必將曰驕奢爲失也接大臣務曰禮雖非大臣老者猶宜答拜事兄曰敬恤弟曰慈兄弟有不良之行當造膝諫之諫之不從流涕喻之喻之不改乃白其母若猶不改當曰奏聞并辭國土與其守寵罹禍不若貧賤全身也此亦謂大罪惡耳其微過細故當掩覆之嗟爾小子慎修乃身奉聖朝曰忠貞事太妃曰孝敬閨闈之內奉令于太妃閭闔之外受教于沛王無怠乃心曰慰予靈

魏志中山恭王衮傳

曹洪

洪字子廉武帝從弟興平中爲騰陽校尉遷揚武中郎將建安初拜諫議大夫遷鷹鋒將軍封國明亭侯進拜都護將軍文帝卽位爲衛將軍遷驃騎將軍進封野王侯徙封都陽侯免明帝

卽位拜後將軍封樂城侯復拜驃騎將軍薨諡曰恭侯

與魏文帝書

漢中地形實爲險固四嶽三塗皆不及也張魯有精鉀數萬臨高  
守要一夫揮戟千人不得進而我軍過之若駭鯨之決細網奔兕  
之觸魯縞未足已喻其易也御覽三百五十三八百十九

上書謝原罪

臣少不由道過在人倫長竊非任遂蒙含貸性無檢度知足之分  
而有豺狼無厭之質老悖倍貪觸突國綱罪迫三千不在赦宥當  
就辜誅棄諸市朝猶蒙天恩骨肉更生臣仰視天日愧負靈神俯  
惟愆闕慙愧怖悸不能維經已自裁割謹塗顏闕門拜章陳情魏志

曹洪傳注引魏略

曹囧

囧字元首中常侍騰兄叔輿之後齊王芳族祖自弘農太守案別有清

河王周乃明帝子非即此晉書汝南王亮傳泰始初亮都督關中雍涼諸軍事有軍司曹掾則清河王也

六代論

井上書

臣聞古之王者必建同姓曰明親親必樹異姓曰明賢賢故傳曰庸勲親親昵近尊賢書曰克明俊德曰親九族詩云懷德維寧宗子維城由是觀之非賢無與興功非親無與輔怡夫親親之道專用則其漸也微弱賢賢之道偏任則其弊也劫奪先聖知其然也故博求親疏而並用之近則有宗盟藩衛之固遠則有仁賢輔弼之助盛則有與共其治衰則有與守其土安則有與享其福危則有與同其禍天然故能有其國家保其社稷厯紀長久本枝百世也今魏尊尊之法雖明親親之道未備詩不云乎鵲鳩在原兄弟急難曰斯言之明兄弟相救于喪亂之際同心于憂禍之間雖有闕牆之忿不忘禦侮之事何則憂患同也今則不然或任而不重或釋而不任一旦疆場稱警關門反拒股肱不扶胷心無衛臣竊

惟此寢不安席、思獻丹誠、貢策朱闕、謹撰合所聞、敘論成敗、

論曰、昔夏殷周、歷世數十、而秦二世而亡、何則、三代之君與天下  
共其民、故天下同其憂、秦王獨制其民、故傾危而莫救、夫與民共  
其樂者、人必憂其憂、與民同其安者、人必拯其危、先王知獨治之  
不能久也、故與人共治之、知獨守之不能固也、故與人共守之、兼  
親疏而兩用、參同異而竝建、是曰輕重、足曰相鎮、親疏足曰相衛、  
并兼路塞、逆節不生、及其衰也、桓文帥禮、苞茅不貢、齊師伐楚、宋  
不城周、晉戮其宰、王綱弛而復張、諸侯傲而復肅、二霸之後、浸已  
陵遲、吳楚憑江、負固方城、雖心希九鼎、而畏迫宗姬、姦情散于胸  
懷、逆謀消于脣吻、斯豈非信重親戚、任用賢能、枝葉碩茂、本根賴  
之與、自此之後、轉相攻伐、吳并于越、晉分爲三、魯滅于楚、鄭兼于  
韓、暨于戰國、諸姬微矣、惟燕衛獨存、然皆弱小、西迫彊秦、南畏齊  
楚、憂懼滅亡、匪遑相恤、至于王赧降爲庶人、猶枝幹相持、得居虛

位海內無主四十餘年秦據勢勝之地騁譎詐之術征伐關東蠶食九國至于始皇乃定天位曠日若彼用力若此豈非深固根蒂不拔之道乎易曰其亡其亡繫于苞桑周德其可謂當之矣秦觀周之弊將曰爲小弱見奪于是廢五等之爵立郡縣之官棄禮樂之教任苛刻之政子弟無尺寸之封功臣無立錐之地內無宗子已自毗輔外無諸侯曰爲藩衛仁心不加于親戚惠澤不流于枝葉譬猶芟刈股肱獨任胸腹浮舟江海捐棄楫櫂觀者爲之寒心而始皇晏然自曰爲關中之固金城千里子孫帝王萬世之業也豈不悖哉是時愴于越諫曰臣聞殷周之王分子弟功臣千有餘城文選作人今陛下君有海內而子弟爲匹夫卒有田常六卿之臣而無輔弼何曰相救事不師吉而能長久者非所聞也始皇聽李斯偏說而絀其議至于身死之日無所寄付委天下之重于凡夫之手託廢立之命于奸臣之口至今趙高之徒誅鉏宗室胡亥少習

刻薄之教長遭凶父之業不能改制易法寵任兄弟而乃師謨申  
商諮謀趙高自幽深宮委政讒賊身殘望夷求爲黔首豈可得哉  
遂乃郡國離心衆庶潰叛勝廣倡之于前劉項弊之于後向使始  
皇納寤于之策抑李斯之論割裂州國分王子弟封三代之後報  
功臣之勞士有常君民有定主枝葉相扶首尾爲用雖使子孫有  
失道之行時人無湯武之賢奸謀未發而身已屠戮何區區之陳  
項而復得措其手足哉故漢祖奮三尺之劍驅烏集之衆五年之  
中遂成帝業自開闢已來其興立功勳未有若漢祖之易也夫伐  
深根者難爲功摧枯朽者易爲力理勢然也漢監秦之失封殖子  
弟及諸呂擅權圖危劉氏而天下所目不傾動百姓所目不易心  
者徒曰諸侯疆大盤石膠固東牟朱虛授命于內齊代吳楚作衛  
于外故也向使高祖踵亡秦之法忽先王之制則天下已傳非劉  
氏有也然高祖封建地過古制大者跨州兼郡小者連城數十上

下無別權、牢京室、故有吳楚七國之患。賈誼曰：諸侯疆盛，長亂起。奸夫欲天下之治安，莫若眾諸侯而少其力，令海內之勢若身之使臂，臂之使指，則下無背叛之心，上無誅伐之事。文帝不從。至于孝景，猥用晁錯之計，削黜諸侯，親者怨恨，疏者震恐。吳楚倡謀，五國從風，兆發高帝，釁鍾文景。由寬之過制，急之不斷，故也。所謂末大必折，尾大難掉，尾同于體，猶或不從，況乎非體之尾，其可掉哉？武帝從主父之策，下推恩之令，自是之後，齊分爲七，趙分爲六，淮南三割，梁代五分，遂曰陵遲。子孫微弱，衣食租稅，不預政事，或曰：酎金免削，或曰：無後國除。至于成帝，王氏擅朝，劉向諫曰：臣聞公族者，國之枝葉，枝葉落則本根無所庇蔭。方今同姓疏遠，母黨專政，排擯宗室，孤弱公族，非所曰保守社稷、安固國嗣也。其言深切，多所稱引。成帝雖悲傷歎息，而不能用。至于哀平，異姓秉權，假周公之事而爲田常之亂，高拱而竊天位，一朝而臣四海。漢宗室王

侯解印釋紱貢奉社稷猶懼不得爲臣妾或乃爲之符命頒莽恩德豈不哀哉由斯言之非宗子獨忠孝于惠文之間而叛逆于哀平之際也徒曰權輕勢弱不能有定耳賴光武皇帝挺不世之姿禽王莽于已成紹漢嗣于旣絕斯豈非宗子之力邪而曾不監秦之失策襲周之舊制踵亡國之法而徼倖無疆之期至于桓靈闇暨執衡朝無死難之臣外無同憂之國君孤立于上臣弄權于下本末不能相御身首不能相使由是天下鼎沸奸凶並爭宗廟焚爲灰燼宮室變爲榛藪居九州之地而身無所安處悲夫魏太祖武皇帝躬聖明之資兼神武之略恥王綱之廢絕愍漢室之傾覆龍飛譙沛鳳翔兗豫埽除凶逆剪滅鯨鯢迎帝西京定都潁邑德動天地義感人神漢氏奉天禪位大魏大魏之興于今二十有四牟矣觀五代之存亡而不用其長策觀前車之傾覆而不改其轍迹子弟王空虛之地君有不使之民宗室竄于閭閻不聞邦國之



政權均匹夫勢齊凡庶內無深根不拔之固外無磐石宗盟之助  
非所曰安社稷爲萬世之業也且今之州牧郡守古之方伯諸侯  
皆跨有千里之土兼軍武之任或比國數人或兄弟竝據而宗室  
子弟曾無一人閒廁其間與相維持非所曰彊幹弱枝備萬一之  
虞也今之用賢或超爲名都之主或爲偏師之帥而宗室有文者  
必限曰小縣之宰有武者必置于百人之上使夫廉高之士畢志  
于衡輓之內才能之人恥與非類爲伍非所曰勸進賢能褒異宗  
室之禮也夫泉竭則流涸根朽則葉枯枝繁者蔭根條落者本孤  
故語曰百足之蟲至死不僵曰扶之者眾也此言雖小可曰譬大  
且牆基不可倉卒而成威名不可一朝而立皆爲之有漸建之有  
素譬之種樹久則深固其本根茂盛其枝葉若造次徙于山林之  
中植于宮闕之下雖壅之曰黑壤煖之曰春日猶不救于枯槁而  
何暇繁育哉夫樹猶親域土猶土民建置不久則輕下慢上平居

猶懼其離叛危急將若之何是呂聖王安而不逸呂慮危也存而設備呂懼亡也故疾風卒至而無摧拔之憂天下有變而無傾危之患矣

魏志武文世王公傳注引魏氏春秋又見文選呂昔夏殷周已下爲六代論

曹爽

爽字昭伯大司馬眞子明帝時爲散騎常侍轉武衛將軍拜大將軍錄尚書事齊王卽位加侍中封武安侯正始十年爲司馬懿所誅

與司馬宣王書

賤子爽哀惶恐怖無狀招禍分受屠滅前遭家人迎糧于今未反數日之匱當煩見餉呂繼旦夕

魏志曹爽傳注引魏末傳

曹羲

羲眞次子正始中爲中領軍爽敗坐誅有集五卷

爲兄爽表司馬懿爲太傅大司馬

臣亡父眞奉事三朝入備冢宰出爲上將先帝臣肺腑遺緒獎  
飾拔擢典兵禁省進無忠恪積累之行退無羔羊自公之節先帝  
聖體不豫臣雖奔走侍疾嘗藥習無精誠翼日之應猥與太尉懿  
俱受遺詔且慙且懼靡所底告臣聞虞舜序賢曰稷契爲先成湯  
褒功曰伊呂爲首審選博舉優劣得所斯誠輔世長民之大經錄  
勲報功之令典自古已來未之或闕今臣虛闇位冠朝首顧惟越  
次中心愧惕敢竭愚情陳寫至實夫天下之達道者三謂德爵齒  
也懿本曰高明中正處上司之位名足鎮眾義足率下一也包懷  
大略允文允武仍立征伐之勲遐邇歸功二也萬里旋旆親受遺  
詔翼亮皇家內外所向三也加之耆父紀綱邦國體練朝正論德  
則過于吉甫樊仲課功則踰于方叔召虎凡此數者懿實兼之臣  
抱空名而處其右天下之人將謂臣曰宗室見私知進而不知退  
陛下岐嶷克明克類如有曰察臣之言臣曰爲宜曰懿爲太傅大

司馬上昭陛下進賢之明中顯懿身文武之實下使愚臣免于謫

魏志曹爽傳在引魏書爽使弟義爲表

申蔣濟叔嫂服議

敵體可服不必尊卑緣情制禮不必同族兄弟親而伯叔疏周服者何已尊服也伯叔母無有骨肉之親有緣尊之義故亦服周何獨不可緣親而服嫂乎苟已交報數然後服則妻母異域交亦疏矣緣愛制服恩亦微矣豈若嫂叔共在一門之內同統先人之祀有相奉養之義而無服紀之制豈不詭哉且防嫌之道推而遠之孰與制服引而重之推之則同他人引之則親親者矣通典九十二

九品議

伏見明論欲除九品而置中正已檢虛實一州闊遠略不相識訪不得知會復轉訪本郡先達者此爲問州中正而實決于郡人御覽

二百六十五引曹義集

至公論

夫世人所謂掩惡揚善者、君子之大義、保明同好者、朋友之至交、斯言之作、蓋閭閻之日談、所曰救愛憎之相誦、崇居厚之大分耳、非篤正之至理、折中之公議也、世士不斷其數而係其言、故善惡不分、曰覆過爲弘、朋友忽義、曰雷同爲美、善惡不分、亂實由之、朋友雷同、敗必從焉、談論者曰當實爲清、不曰過難爲貴、相知者曰等分爲交、不曰雷同爲固、是曰達者存其義、不察于文、識其心不求于言、且在私論、猶行之有節、明處公議、則無所固之矣、凡智者之處世、咸欲興化、致治者也、興化致治、不崇公抑口、割口情、曰順理、厲清議、曰督俗、明是非、曰宣教者、吾未見其功也、清議非臧否不顯、是非非賞罰不明、故臧否不可、曰遠實、賞罰不可、曰失中、若乃背清議、違是非、雖堯不能一日、曰治、審臧否、詳賞罰、故中王可、曰萬世安、是曰君子知私情之難統、至公之易行、故季友鳩兄而

不疑叔向戮弟而不悔斯二士者皆前世之通士晉魯之忠臣也亦豈無慈愛骨肉之心愍恤同生之仁哉夫至公者天之經也地之義也理之要也人之用也昔鯀者親禹之父也舜則殛鯀而興禹禹知舜之殛其父無私故受命而不辭舜明禹知己之至公故用之而無疑無私者雖父黜而子不言況用之于他哉

魏文類聚卷四十九

### 肉刑刑

夫言肉刑之濟治者荀卿所唱班固所述隆其趣則曰像天地爲之惟明察其用則曰死刑重而生刑輕其所馳騁極于此矣治則刑重亂則刑輕

魏文類聚卷四十九

殺人者死傷人者刑是百王之所同固未達夫用刑之本矣夫死刑者不唯殺人妖逆是除天地之道也傷人者不改斯亦妖逆之類也如其可改此則無取于肉刑也且傷人殺人皆非人性之自

然也必有由然者也夫有由而然者激之則淫敦之則一激之也者動其利路敦之也者篤其質樸故在上者議茲本要不營奇思行之曰簡守之曰靜大則其隆足曰平天地中則其理可曰厚民萌下則刑罰可曰無殘虐民靜理則其化爲惡之尤者眾之所棄眾之所棄則無改之驗著矣夫死之可曰有生而欲增淫刑曰利暴刑暴刑所加雖云懲慢之由興有使之然謂之宜生生之可也舍死折骸又何辜耶猶稱曰滿堂而飲有向隅哀泣則一堂爲之不樂在上者洗濯其心靜而民足各得其性何懼乎姦之不勝乃欲斷截防轉而入死乎

執文類聚五十四

曹彥

彥真第五子正始中爲散騎常侍侍講爽敗坐誅

議復肉刑

嚴刑曰殺犯之者寡刑輕易犯蹈惡者多臣謂玩常苟免犯法乃

眾鯨則彰刑而民甚恥且創黥則見者知禁彰罪表惡亦足已畏  
所已易曰小懲大戒豈蹈惡者多耶假使多惡尚不至死無妨產  
育苟必行殺爲惡縱害而不已將至死無人天無已人君無已尊  
矣故人寧過不殺是已爲上寧寬得眾若乃于張聽訟刑已止刑  
不可革舊過此已往肉刑宜復肉刑于死爲輕減死五百爲重重  
不害生足已懲姦輕則知禁禁民爲非所謂相濟經常之法議云  
不可或未知之也

御覽六百四十  
八引王遵晉書



賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷二十一

烏程嚴可均校輯

魏二十一

夏侯惇

惇字元讓沛國譙人武帝族兄積功至前將軍文帝受禪拜大將軍卒諡忠侯

與石威則書

授孫賁曰長沙業張津曰零桂

吳志孫策傳注引庚嘉志林

夏侯惠

惠字稚權征西將軍淵子爲散騎黃門侍郎遷燕相樂安太守有集二卷

景福殿賦

周步堂字東西眷賔綠色光明粲爛流延素壁暘養赫奕倩練爾

乃察其奇巧觀其微形嶽岑紆曲盤牙欹傾或夭矯而雲起或詰曲而纒縈眾木附枝已連注欒梧倚亞而相經若乃仰觀綺窗周覽菱荷流彩的皪微秀發華纖莖葳蕤順風揚波含光內耀炯炯紛葩曾櫺外周懷換內附或因勢已連接或邪詭已盤構于是乎飛閣連延馳道四周高樓承雲列觀若浮挹朝露之華精漱醴泉之清流

藝文類聚卷六十二

乃造彼鞠室

文選何晏景福殿賦注

乃涉乎文陛已登華殿

文選沈約齊安陸王碑文注案此二條選注作更侯雅推

耳字

薦劉劭

伏見常侍劉劭深忠篤思體周于數凡所錯綜源流弘遠是已羣才大小咸取所同而斟酌焉故性實之士服其平和良正清靜之人慕其立虛退讓文學之士嘉其推步詳密法理之士明其分數

精比意思之士、知其沈深篤固、文章之士、愛其著論屬辭、制度之士、貴其化略較要、策謀之士、贊其明思通微、凡此諸論、皆取適己所長、而舉其支流者也、臣數聽其清談、覽其篤論、漸漬歷年、服膺彌久、實爲朝廷奇其器量、自爲若此人者、宜輔翼機事、納謀幃幄、當與國道俱隆、非世俗所常有也、惟陛下垂優游之聽、使劭承清閑之歡、得自盡于前、則德音上通、輝耀日新矣、魏志劉劭傳

賈侯玄

玄字太初、淵從孫、明帝時爲散騎黃門侍郎、左遷羽林監、齊王卽位、遷散騎常侍中護軍、出爲征西將軍、徵拜大鴻臚、徙太常、嘉平六年、爲司馬師所殺、夷三族、有集三卷

皇胤賦

覽二儀之上體、本人倫之大紀、道莫崇于后辟、統莫大于承祀、伊皇衢之光赫、享乾坤之元祉、在太和之五載、戰皇胤之盛始、時惟

孟秋和氣淑清，良辰既啟，皇子誕生，爾乃發愷悌之明詔，振湛恩之豐沛，殊惠洽乎黎民，崇施賜于無外，爵羣兆曰布德，赦殊死曰示仁，黔首詠而齊樂，願皇祚之日新。

藝文類聚四十  
五初學記十

時事議

夫官才用人，國之柄也。故銓衡專于臺閣，上之分也。孝行存乎閭巷，優劣任之鄉人，下之敘也。夫欲清教審選，在明其分敘，不使相涉而已。何者？上過其分，則恐所由之不本，而干勢馳騫之路開；下踰其敘，則恐天爵之外通，而機權之門多矣。夫天爵下通，是庶人議柄也；機權多門，是紛亂之原也。自州郡中正，品度官才之來，有年載矣，緬緬紛紛，未聞整齊，豈非分敘參錯，各失其要之所由哉？若令中正但攷行倫輩，倫輩當行均，斯可官矣。何者？夫孝行著于家門，豈不忠恪于在官乎？仁恕稱于九族，豈不達于爲政乎？義斷行于鄉黨，豈不堪于事任乎？三者之類，取于中正，雖不處其官名，

斯任官可知矣。行有大小，比有高下，則所任之流亦煥然明別矣。奚必使中正干銓衡之機于下，而執機柄者有所委仗于上？上下交侵，已生紛錯哉！且臺閣臨下，攷功校否，眾職之屬各有官長，旦夕相攷，莫究于此。閭閻之議，已意裁處，而使匠宰失位，眾人驅駭，欲風俗清靜，其可得乎？天臺縣遠，眾所絕意，所得至者，更在側近，孰不脩飾，已要所求，所求有路，則脩已家門者，已不如自達于鄉黨矣。自達鄉黨者，已不如自求之于州邦矣。苟開之有路，而患其飾真離本，雖復嚴責中正，督已刑罰，猶無益也。豈若使各帥其分，官長則各已其屬，能否獻之臺閣，臺閣則據官長能否之第，參已鄉閭德行之次，擬其倫比，勿使偏頗。中正則唯攷其行迹，別其高下，審定輩類，勿使升降。臺閣總之，如其所簡，或有參錯，則其責負自在有司。官長所第中正輩，擬比隨次率而用之，如其不稱，責負在外。然則內外相參，得失有所，互相形檢，孰能相飾？斯則人心定。

而事理得庶可已靜風俗而審官才矣

古之建官所已濟育羣生、統理民物也、故爲之君長、已司牧之、司牧之主、欲一而專、一則官任定而上下安、專則職業脩而事不煩、夫事簡業脩、上下相安、而不治者、未之有也、先王建萬國、雖其詳未可得而究、然分疆畫界、各守土境、則非重累羈絆之體也、下攷殷周五等之敘、徒有大小貴賤之差、亦無君官臣民而有二統、互相牽制者也、夫官統不一、則職業不脩、職業不脩、則事何得而簡、事之不簡、則民何得而靜、民之不靜、則邪惡竝興、而姦偽滋長矣、先王達其如此、故專其職司、而一其統業、始自泰世、不師聖道、私已御職、姦已待下、懼宰官之不脩、立監收已董之、畏督監之容曲、設司察已糾之、宰牧相累、監察相司、人懷異心、上下殊務、漢承其緒、莫能匡改、魏室之隆、日不暇及、五等之典、雖難卒復、可嚴立儀準、已一治制、今之長吏、皆君吏民橫重、已郡守累已刺史、若郡所

攝唯在大較則與州同無爲再重宜省郡守但任刺史刺史職存則監察不廢郡吏萬數還親農業已省煩費豐財殖穀一也大縣之才皆堪郡守是非之訟每生意異順從則安直已則爭夫和羹之美在于合異上下之益在能相濟順從乃安此琴瑟一聲也蕩而除之則官省事簡二也又幹郡之吏職監諸縣營護黨親鄉邑舊故如有不副而因公掣頓民之困弊咎生于此若皆并合則亂原自塞三也今承衰弊民人彫落賢才鮮少任事者寡郡縣良吏往往非一郡受縣成其劇在下而吏之上選郡當先足此爲親民之吏專得底下吏者民命而常頑鄙今如并之吏多選清良者造職大化宣流民物獲寧四也制使萬戶之縣名之郡守五千已上名之都尉千戶已下令長如故自長已上攷課遷用轉已能升所牧亦增此進才效功之敘也若經制一定則官才有次治功齊明五也若省郡守縣皆徑達事不擁隔官無畱滯三代之風雖未可



必簡一之化庶幾可致使民省費在于此矣

文質之更用猶四時之迭興也王者體天理物必因弊而濟通之時彌質則文之已禮時泰侈則救之已質今承百王之末秦漢餘流世俗彌文宜大改之已易民望今科制自公列侯已下位從大將軍已上皆得服綾錦羅綺紈素金銀飾鏤之物自是已下雜綵之服通于賤人雖上下等級各示有差然朝臣之制已得侔至尊矣玄黃之采已得通于下矣欲使市不鬻華麗之色商不通難得之貨工不作雕刻之物不可得也是故宜大理其本準度古法文質之宜取其中則已爲禮度車輿服章皆從質樸禁除末俗華麗之事使幹朝之家有位之室不復有錦綺之飾無兼采之服纖巧之物自上已下至于樸素之差示有等級而已勿使過一二之覺若夫功德之賜上恩所特加皆表之有司然後服用之夫上之化下猶風之靡草樸素之教興于本朝則彌侈之心自消于下矣

魏志

夏侯玄傳太傅司馬宣  
王問曰時事玄議曰爲

### 荅司馬宣王書

漢文雖身衣弋綈而不革正法度內外有階擬之服寵臣受無限之賜由是觀之倡指立在身之名非篤齊治制之意也今公侯命世作宰追蹤上古將隆至治抑末正本若制定于上則化行于眾矣夫當宜改之時畱殷勤之心令發之日下之應也猶響尋聲耳猶垂謙謙曰待賢能此伊周不正殷姬之典也竊未喻焉

魏志夏侯玄傳

### 肉刑論

夫天地之性人物之道豈自然當有犯何荀班論曰治則刑重亂則刑輕又曰殺人者死傷人者刑是百王之所同也夫死刑者殺妖逆也傷人者不改斯亦妖逆之類也如其可改此則無取于肉刑也如云死刑過制生刑易犯罪次于古當生今獨死者皆可募行肉刑及傷與盜吏受賕枉法男女淫亂死者皆復古刑斯固之

于死則陷之肉刑矣舍死折骸又何辜也猶稱曰滿堂而聚飲有一人向隅而泣者則一堂爲之不樂此亦願理其平而必曰肉刑施之是仁于當殺而忍于斷割懼于易犯而安于爲虐哀泣奚由而息堂上焉得泰耶仲尼曰既富且教又曰苟子之不欲雖賞之不竊何用斷截乎下愚不移曰惡自終所謂翦妖也若飢寒流溝壑雖大辟不能制也而況肉刑哉赭衣滿道有鼻者醜終無益矣

通典一百六十八

荅李勝難肉刑論

聖賢之治也能使民遷善而自新故易曰小懲而大戒陷夫死者不戒者也能懲戒則無刻截刻截則不得反善矣

通典一百六十八

暴之取死此自然也傷人不改縱暴滋多殺之可也傷人而能改悔則豈須肉刑而後止哉殺人曰除暴自然理也斷截之政末俗之所云耳孔少府曰殺人無所斫人有小瘡故刑趾不可已報尸

而髡不足已償傷傷人一寸而斷其支體爲罰已重不厭眾心也

通典一百

六十八

樂毅論

世人多曰樂毅不時拔莒卽墨爲劣是曰敘而論之夫求古賢之意宜曰大者遠者先之必迂迴而難通然後已焉可也今樂氏之趣或者其未盡乎而多劣之是使前賢失指于將來不亦惜乎觀樂生遺燕惠王書其殆庶乎機合乎道曰終始者與其喻昭王曰伊尹放太甲而不疑太甲受放而不怨是存大業于至公而曰天下爲心者也夫欲極道之量務曰天下爲心者必致其主于盛隆合其趣于先王苟君臣同符斯大業定矣于斯時也樂生之志千載一遇也亦將行千載一隆之道豈其局蹟當時止于兼并而已哉夫兼并者非樂生之所屑彊燕而廢道又非樂生之所求也不屑苟得則心無近事不求小成斯意兼天下者也則舉齊之事所

曰運其機而動四海也。夫討齊、曰明燕主之義，此兵不興于爲利矣。圍城而害不加于百姓，此仁心著于遐邇矣。舉國不謀其功，除暴不曰威力，此至德全于天下矣。邁全德、曰率列國，則幾于湯武之事矣。樂生方恢大綱，曰縱二城，牧民明信，曰待其弊，使卽墨啓人，顧仇其上，願釋干戈，賴我猶親，善守之智，無所之施，然則求仁得仁，卽墨大夫之義也。仕窮則從，微子適周之道也。開彌廣之路，曰待田單之徒，長容善之風，曰申齊士之志，使夫忠者遂節，通者義著，昭之東海，屬之華裔，我澤如春，下應如草，道光宇宙，賢者託心，鄰國傾慕，四海延頸，思戴燕主，仰望風聲，二城必從，則王業隆矣。雖淹留于兩邑，乃致速于天下，不幸之變，世所不圖，敗于垂成，時運固然，若乃逼之曰威，劫之曰兵，則攻取之事，求欲速之功，使燕齊之士流血于二城之間，侈殺傷之殘，示四國之人，是縱暴易亂，貪曰成私，鄰國望之，其猶豺虎，旣大墮稱兵之義，而喪濟弱之

仁虧齊士之節廢廉善之風掩宏通之度棄王德之隆雖二城幾于可拔霸王之事逝其遠矣然則燕雖兼齊其與世主何已殊哉其鄰敵何已相傾樂生豈不知拔二城之速了哉顧城拔而業乖豈不知不速之致變顧業乖而與變同繇是言之樂生不屠二城其亦未可量也

王右軍書帖本藝文類聚二十三

### 辨樂論

昔伏羲氏因時興利教民田漁天下歸之時則有網罟之歌神農繼之教民食穀時則有豐年之詠黃帝備物始垂衣裳則有龍衮之頌

御覽五百七十一

阮生云律呂協則陰陽和音聲適則萬物類天下無樂而欲陰陽和調災害不生亦已難矣此言律呂音聲非徒化治人物可已調和陰陽蕩除災害也夫天地定位剛柔相摩盈虛有時堯遭九年之水憂民阻饑湯遭七年之旱欲遷其社豈律呂不和音聲不通

哉此乃天然之數非人道所協也

御覽十六

夏侯子

一舟之覆無一毫不濕一馬之走無一毫不動故大同萬物不一

也

御覽八百九十七

魯人有善相馬者與予俱游夜方寐聞馬有行者魯人驚曰七百

里也此暗中耳

同上

一蠧之行一蚊之飛聖人皆知之

御覽九百四十五

夏侯獻

獻明帝時中領軍將軍

上明帝表

公孫淵昔年敢違王命廢絕計貢者實挾兩端既恃阻險又怙孫權故敢跋扈恣睢海外宿舒親見賊權軍眾府庫知其弱少不足憑恃是日決計斬賊之使又高句麗藏豹與淵爲仇竝爲寇鈔今

外失吳瑗內有胡寇心知國家能從陸道勢不得不懷惶懼之心  
因斯之時宜遣使示以禍福奉車都尉驤弘武皇帝時始奉使命  
開通道路文皇帝卽位欲通使命遣弘將妻子還歸鄉里賜其車  
牛絹百匹弘已受恩歸死國朝無有還意乞留妻子身奉使命公  
孫康遂稱臣妾弘奉使稱意賜爵關內侯弘性果烈乃心于國  
夙夜拳拳念自竭效冠族子孫少好學問博通書記多所關涉口  
論速捷辨而不俗附依典誥若出曾臆加仕本郡常在入右彼方  
士人素所敬服若當遣使弘爲可使弘行弘乃自舊土習其國俗  
爲說利害辯足弘動其意明足弘見其事才足弘行之辭足弘見  
信若其計從雖酈生之降齊王陸賈之說尉他亦無曰遠過也欲  
進遠路不宜釋驤驤將已篤疾不宜廢扁鵲願察愚言也

注引魏  
名臣奏

魏志公  
孫度傳



賜進士出身二品銜廣東等處提刑按察使司按察使兼管驛傳事務黃岡王毓漢校刊

全三國文卷二十二

烏程嚴可均校輯

魏二十二

華歆

歆字子魚平原高唐人靈帝時舉孝廉除郎中已病去官少帝時何進徵爲尚書郎董卓之亂從袁術于穰馬日磾辟爲掾拜豫章太守獻帝時已郡降孫策司空曹公徵拜議郎參軍事入爲尚書轉侍中尋代荀彧爲尚書令魏國建爲御史大夫文帝卽王位拜相國封安樂鄉侯及受禪改爲司徒明帝時進封博平侯拜太尉太和五年卒年七十五謚曰敬侯唐有集三十卷請敘鄭小同表

臣聞勵俗宣化莫先于表善班祿敘爵莫美于顯能是已楚人思子文之治復命其胤漢室嘉江公之德用顯其世伏見故漢大司

農北海鄭玄當時之學名冠華夏爲世儒宗文皇帝旌錄先賢拜  
玄適孫小同曰爲郎中長假在家小同年踰三十少有令質學綜  
六經行著鄉邑海岱之人莫不如其自然美其氣量迹其所履有  
質直不渝之性然而恪恭靜默色養其親不治可見之美不競人  
聞之名斯誠清時所宜式紋前後明詔所斟酌而求也臣老病委  
頓無益視聽謹具曰聞

魏志高貴鄉公紀  
注引魏名臣奏

### 諫伐蜀疏

兵亂已來過踰二紀大魏承天受命陛下曰聖德當成康之隆宜  
弘一代之治紹三王之迹雖有二賊負險延命苟聖化日躋遠人  
懷德將緇負而至夫兵不得已而用之故戢而時動臣誠願陛下  
先畱心于治道曰征伐爲後事且千里運糧非用兵之利越險深  
入無獨克之功如聞今年徵役頗失農桑之業爲國者曰民爲基  
民曰衣食爲本使中國無飢寒之患百姓無離土之心則天下幸

甚二賊之釁可坐而待也。臣備位宰相，老病日篤，犬馬之命將盡，恐不復奉望鑾蓋，不敢不竭臣子之懷。唯陛下裁察。魏志華歆傳

請受禪上言

相國華歆、太尉賈詡、御史大夫王朗及九卿上言曰：臣等被召到伏見太史丞許芝、左中郎將李伏所上圖讖符命、侍中劉廙等宣敘眾心，人靈同謀。又漢朝知陛下聖化通于神明，聖德參于虞夏，因瑞應之備至，聽厯數之所在，遂獻璽綬，固讓尊號，能言之倫，莫不抃舞。河圖洛書，天命瑞應，人事協于天時，民言協于天敘，而陛下性秉勞謙，體尚克讓，明詔懇切，未肯聽許。臣妾小人，莫不伊邑。臣等聞自古及今，有天下者，不常在乎一姓。考已德勢，則盛衰在乎彊弱，論已終始，則廢興在乎期運。唐虞厯數，不在厥子，而在舜禹。舜禹雖懷克讓之意，迫羣后執玉帛而朝之，兆民懷欣戴而歸之，率土揚歌謠而詠之，故其守節之拘，不可得而常處，達節之權

不可得而久避，是曰或遜位而不愜，或受禪而不辭，不愜者未必厭皇寵，不辭者未必渴帝祚，各迫天命而不得已。已既禪之後，則唐氏之子爲賓于有虞，虞氏之胄爲客于夏代，然則禪代之義，非獨受之者實應天福，授之者亦與有餘慶焉。漢自章和之後，世多變故，稍已陵遲，泊乎孝靈，不恆其心，虐賢害仁，衆斂無度，政在嬖豎，視民如讎，遂令上天震怒，百姓從風如歸。當時則四海鼎沸，既沒則禍發宮庭，寵勢竝竭，帝室遂卑。若在帝舜之末節，猶擇聖代而授之，荆人抱玉璞，猶思良工而刊之，況漢國既往，莫之能匡，惟器移君，委之聖哲，固其宜也。漢朝委質，既願禪禮之速建也，天祚率土，必將有主，主率土者，非陛下其孰能任之？所謂論德無與爲比，攷功無推讓矣。天命不可久稽，民望不可久違，臣等樓樓不勝大願，伏請陛下割撝謙之志，脩受禪之禮，副人神之意，慰外內之

願

魏志文帝紀  
注引獻帝傳

奏討孫吳 黃初三年

臣聞枝大者披心，尾大者不掉，有國有家之所慎也。昔漢承秦弊，天下新定，大國之王，臣節未盡，已蕭張之謀，不備錄之。至使六王前後反叛，已而伐之，戎車不輟。又文景守成，忘戰戢役，驕縱吳楚，養虺成蛇，既爲社稷大憂。蓋前事之不忘，後事之師也。吳王孫權幼豎小子，無尺寸之功，遭遇兵亂，因父兄之緒，少蒙翼卵，眴伏之恩。長含鴟梟反逆之性，背棄天地罪惡，積大復與關羽更相覘伺，逐利見便，挾爲卑辭。先帝知權姦已求用，時已于禁敗于水災等，當討羽，因已委權。先帝委裘下席，權不盡心，誠在惻怛，欲因大喪，寡弱王室，希託董桃，傳先帝令乘，未得報許，擅取襄陽。及見驅逐，乃更折節，邪辟之態，巧言如流。雖重驛累使，發遣禁等，內包隗囂，顧望之姦，外欲緩誅。支仲蜀賊，聖朝含弘，既加不忍，優而赦之，與之更始。猥乃割地王之，使南面稱孤，兼官累位，禮備九命，名馬百

駟已成其勢、尤寵顯赫、古今無二、權爲犬羊之姿、橫被虎豹之文、  
不思靜力致死之節、已報無量不世之恩、臣每見所下權前後章  
表、又已愚意、採察權旨、自己阻帶江湖、負固不服、狎挾累世、詐僞  
成功、上有尉佗、英布之計、下誦伍被、屈疆之辭、終非不侵不伐之  
臣、已爲晁錯、不發削弱、王侯之謀、則七國同衡、禍久而大、崩通不  
決、襲歷下之策、則田橫自慮、罪深變重、臣謹攷之周禮、九伐之法、  
平權凶惡、逆節萌生、見罪十五、昔九黎亂德、黃帝加誅、項羽罪十、  
漢祖不捨、權所犯罪、數明白、非仁恩所養、宇宙所容、臣請免權官、  
鴻臚、削爵土、捕治罪、敢有不從、移兵進討、已明國典、好惡之常、已  
靜三州元元之苦、吳志吳主權傳注引魏略載魏三公奏案此  
事在黃初三年時三公乃華歆賈詡楊彪也

王朗

朗字景興、初名嚴、東海人、靈帝時、已通經、拜郎中、除菑丘長、遭  
師楊賜喪、去官行服、少帝時、徐州牧陶謙、已爲治中、尋拜會稽

太守獻帝時爲孫策所攻拘畱曲阿曹公徵拜諫議大夫參司  
空軍事魏國建昌軍祭酒領魏郡太守遷少府奉常大理文帝  
卽王位遷御史大夫封安陵亭侯及受禪改司空封樂平鄉侯  
明帝卽位進封蘭陵侯代華歆爲司徒太和二年卒諡曰成侯  
著周易春秋孝經周官傳有集三十四卷

冬臘不得朝表

拘守畱職曠離車駕況乃踐長干至迎始于臘履端于正連歷天  
人三朝之元慶而無緣祇奉玉爵曰獻萬壽宵夢庭燎之光晨想

百華之耀

藝文類聚卷八十

論樂舞表

凡音樂曰舞爲主自黃帝雲門至周大武皆太廟舞樂所曰樂君  
臣之德舞所曰象君之功

御覽五百七十四引魏名臣奏

上求正貨民表



昔在西京有鄴杜膏腴之饒池陽谷口之利涇渭三川之水鄴國  
白渠之溉每年成熟雨灌竝畝至今號爲陸海御覽八百二十一

諫行役夜表

司空臣言臣聞飛蓬隨風集于正梁之衝而駟馬爲之奔乳虎爲  
之走蓬非馬之策馬非蓬之敵所曰或奔走者驚也御覽九百九十七

荅文帝表

夫張大綱已漉鱗蝦辱九鼎已烹鼃鼃御覽九百四十三

勸育民省刑疏

兵起已來三十餘年四海盡覆萬國殄瘁賴先王芟除寇賊扶育  
孤弱遂令華夏復有綱紀鳩集兆民于茲魏土使封鄙之內鷄鳴  
狗吠達于四境蒸庶欣欣喜遇升平今遠方之寇未賓兵戎之役  
未息誠令復除足已懷遠人良宰足已宣德澤阡陌咸脩四民殷  
熾必復過于曩時而富于平日矣易稱敕法書著祥刑一人有慶

兆民賴之、慎法獄之謂也。昔曹相國曰：獄市爲寄路，溫舒疾治獄之吏，夫治獄者得其情，則無冤死之囚；丁壯者得盡地力，則無饑饉之民；窮老者得仰食倉廩，則無餒餓之殍；嫁娶曰時，則男女無怨曠之恨；胎養必全，則孕者無自傷之哀；新生必復，則孩者無不育之累；壯而後役，則幼者無離家之思；二毛不戎，則老者無頓伏之患；醫藥曰療其疾，寬繇曰樂其業，威罰曰抑其強，恩仁曰濟其弱，賑貸曰贍其乏。十年之後，旣筭者必盈巷；二十年之後，勝兵者必滿野矣。

魏志王朗傳

諫文帝游獵疏

夫帝王之居，外則飾周衛，內則重禁門，將行則設兵，而後出幄稱警，而後踐墀，張弧而後登輿，清道而後奉引，遮列而後轉轂，靜室而後息駕，皆所已顯至尊，務戒愼，垂法教也。近日車駕出臨捕虎，日昃而行，及昏而反，違警蹕之常法，非萬乘之至愼也。

魏志王朗傳

諫東征疏

黃初四年八月

昔南越守善嬰齊入侍遂爲冢嗣還君其國康居驕黠情不副辭都護奏議曰爲宜遣侍子曰黜無禮且吳淠之禍萌于子入隗囂之叛亦不顧子往者聞權有遣子之言而未至今六軍戒嚴臣恐與人未暘聖旨當謂國家愠于登之逋留是曰爲之興師設師行而登乃至則爲所動者至大所致者至細猶未足曰爲慶設其倣很殊無入志懼彼輿論之未暘者并懷伊邑臣愚曰爲宜敕別征諸將各明奉禁令已愼守所部外曜烈威內廣耕稼使泊然若山澹然若淵勢不可動計不可測

魏志王朗傳

諫明帝營修宮室疏

陛下卽位已來恩詔屢布百姓萬民莫不欣欣臣頃奉使北行往反道路聞衆徭役其可得蠲除省減者甚多願陛下重留日昃之聽曰計制寇昔大禹將欲拯天下之大患故乃先卑其宮室儉其

夜食用能盡有九州、粥成五服、句踐欲廣其禦兒之疆、越夫差于姑蘇、故亦納其身、已及家、儉其家、目施國、用能囊括五湖、席卷三江、取威中國、定霸華夏、漢之文景、亦欲恢弘祖業、增崇洪緒、故能割意于百金之臺、昭儉于弋綈之服、內減太官、而不受貢獻、外省徭賦、而務農桑、用能號稱升平、幾致刑錯、孝武之所、已能奮其軍勢、拓其外境、誠因祖考畜積素足、故能遂成大功、霍去病、中才之將、猶已匈奴未滅、不治第宅、明恤遠者、略近事、外者簡內、自漢之初、及其中興、皆于金革略寢之後、然後鳳闕猥開、德陽竝起、今當建始之前、足用列朝會、崇華之後、足用序內官、華林天淵、足用展游宴、若且先成閭閻之象、魏使足用、列遠人之朝貢者、脩城池、使足用、絕踰越、成國險、其餘一切、且須豐年、一已勤耕農、爲務、習戎備、爲事、則國無怨曠、戶口滋息、民充兵彊、而寇戎不賓、緝熙不足、未之有也。

魏志王  
朝傳

屢失皇子上疏

昔周文十五而有武王遂享十子之祚。已廣諸姬之胤。武王既老而生成王。成王是已鮮于兄弟。此二王者各樹聖德。無已相過。比其子孫之祚。則不相如。蓋生育有早晚。所產有眾寡也。陛下既德祚兼彼二聖。春秋高于姬文育武之時矣。而子發未舉于椒蘭之奧。房藩王未繁于掖庭之眾室。已成王爲喻。雖未爲晚。取譬伯邑。則不爲夙。周禮六宮內官百二十人。而諸經常說咸已十二爲限。至于秦漢之末。或曰千百爲數矣。然雖彌猥而就時于吉館者。或甚鮮明。百斯男之本誠在于一意。不但在于務廣也。老臣懷懷願國家同祚于軒轅之五五。而未及周文之二五。用爲伊邑。且少小常苦被褥泰溫。泰溫則不能便柔膚弱體。是已難可防護。而易用感慨若常令小小之縕袍。不至于甚厚。則必咸保金石之性。而比

壽于南山矣。

魏志王明傳

上請敘主簿張登

主簿趙郡張登昔爲本縣主簿值黑山賊圍郡登與縣長王雋帥吏兵七十二人直往赴救與賊交戰吏兵散走雋殆見害登手格二賊已全雋命又守長夏逸爲督郵所枉登身受考掠理逸之罪義濟二君宜加顯異

魏志王朗傳注引王朗集又見御覽二百二十九雋作雋

上劉纂等檮捕事

左中郎樂林得纂麵肉共啖湯餅

御覽八百六十一

奏賀朔故事

故事正月朔賀殿下設兩百華鐙對于二階之間端門設庭燎火炬端門外設五尺三尺鐙月照星明雖夜猶晝矣

宋書禮志一引魏司空王朗奏

事初學記二十五引王朗奏

奏宜節省

詔問所宜損益必謂東京之事也若夫西京雲陽汾陰之大祭千

有五百之羣祀通天之臺人阿房之宮齋必百日養犧五載牛則三千其重玉則七千其器文綺已飾重席童女已蹈舞綴醲醕必貫三時而後成樂人必三千四百而後備內宮美人數至近千學官博士七千餘人中殿則駢駢駢馬六萬餘匹外牧則扈養三萬而馬十之執金吾從騎六百走卒倍焉太常行陵車千乘太官賜官奴婢六千長安城內治民爲政者三千中二千石蔽罪斷刑者二十有五獄政充事猥威儀繁富隆于三代近過禮中夫所已極奢者大抵多受之于秦餘既違繭栗慤誠之本埽地簡易之指又失替質而損文避泰而從約之趣豈夫當今隆興盛明之時祖述堯舜之際割奢務儉之政除繁崇省之令詳刑恤罰之教所宜希慕哉及夫寢廟日一太牢之祀郡國並立宗廟之法丞相御史大夫官屬吏從之數若此之輩既已屢改于哀平之前不行光武之後矣謹案圖牒所改奏在天地及五帝六宗宗廟社稷既已因

前代之兆域矣。夫天地則掃地而祭，其餘則皆增而埒之矣。明堂所祀，祀上帝，靈臺所祀，觀天文，辟雍所祀，修禮樂，太學所祀，集儒林，高祿所祀，祈休祥，又所祀，察時務，揚教化，稽古先民，開誕慶，能舊時皆在國之陽，竝高棟夏屋，足已肆饗，財望雲物，七郊雖尊祀尚質，猶皆有門宇便坐，足已避風雨，可須軍罷，年豐已斲，修治舊時虎賁羽林五營兵及衛士，并合雖且萬人，或商賈墮游子弟，或農野謹鈍之人，雖有乘制之處，不講戎陣，既不簡練，又希更寇，雖名實不副，難已備急，有警而後募兵，軍行而後運糧，或乃兵既久屯而不務營，佃不修器械，無有貯聚，一隅馳羽檄，則三面並荒擾，此亦漢氏近世之失，而不可式者也。當今諸夏已安，而巴蜀在畫外，雖未得偃武而弢甲，放馬而戢兵，宜因年之大豐，遂寄軍政于農事，吏士小大竝勤稼穡，止則成井里于廣野，動則成校隊于六軍，省其暴絲，贍其衣食，易稱悅，已使民忘其勞，悅已犯難，民忘



其死今之謂矣糧畜于食勇畜于勢雖坐曜烈威而眾未動畫外之機必復稽顙已求改往而效用矣若畏威效用不戰而定則賢于交兵而後威立接刃而後功成遠矣若姦凶不革遂迷不反猶欲已其所虐用之民待大魏投命報養之士然後徐已前歌後舞樂征之眾臨彼倒戟折矢樂服之羣伐腐摧枯未足已爲喻

魏志王朗傳注引謝

名臣奏

劾刺史王凌不遺王基

凡家臣之良則升于公輔公臣之良則入于王職是故古者侯伯有貢士之禮今州取宿衛之臣留祕閣之吏所希聞也

魏志王基傳

四孤議

收捐拾棄不避寒暑且救垂絕之氣而肉必死之骨可謂仁過天地恩踰父母者也吾已爲田議是也

通典六十九大理王朗議

與師與吳取蜀議

天子之軍重于華岱誠宜坐曜天威不動若山假使權親與蜀賊相持搏戰曠日智均力敵兵不速決當須軍興已成其勢者然後宜選持重之將承寇賊之要相時而後動擇地而後行一舉可無餘事今權之師未動則助吳之軍無爲先征且雨水方盛非行軍動眾之時

魏志王朗傳

改元議

古者有年數無年號漢初猶然或有世而改有中元後元元改彌數中後之號不足故更假取美名非古也述春秋之事曰隱公元年則簡而易知載漢世之事曰建元元年則後不見宜若古稱元而已

宋書禮志一

遺針御衣議

至于遺針御衣懼傷至尊之體故加之曰髡刑欲將懲戒先傷已

防絕後傷

御覽八百三十一引王朗新奏議

議不宜復肉刑

繇欲輕減大辟之條、呂增益則刑之數、此卽起偃爲暨、化屍爲人矣、然臣之愚、猶有未合微異之意、夫五刑之屬、著在科律、科律自有減死一等之法、不死卽爲減、施行已久、不待遠假斧鑿、于彼肉刑、然後有罪次也、前世仁者、不忍肉刑之慘酷、是呂廢而不用、不用已來、歷年數百、今復行之、恐所減之文、未彰于萬民之目、而肉刑之問、已宣于寇讐之耳、非所呂來遠人也、今可案繇所欲輕之死罪、使減死之髡刑、嫌其輕者、可倍其居、作之歲數、內有呂生易死不警之恩、外無呂刑易欽駭耳之聲、

魏志鍾繇傳

議

晏平仲呂齊君奢、故辭其朝冠、振其鹿裘、

御覽人百二十六風俗通東海王景典議引

對孫策誥

則呂瑣才、誤竊朝私、受爵不讓、呂邁罪網、前見征討、畏死苟免、因

治人物寄命須臾又迫大兵惶怖北引從者疾患死亡略盡獨與  
老母共乘一櫬流矢始交便棄櫬就俘稽顙自首于征役之中則  
惶惑不達自稱降虜緣前迷謬被詰慙懼則愚淺驚怯畏威自驚  
又無良介不早自歸于破亡之中然後委命下隸身輕罪重死有  
餘辜申脰就鞅蹴足入絆叱咤聽聲東西惟命魏志王朗傳注引  
獻帝春秋則稱禽  
使者

### 荅太祖遺詔孫權稱臣

孫權前牋自詭躬討虜已補前愆後疏稱臣已明無二牙獸屈膝  
言鳥告歡明珠南金遠珍必至情見乎辭效著乎功三江五湖爲  
沼于魏西吳東越化爲國民鄢郢既拔荆門自開席卷巴蜀形勢  
已成重休累慶雜沓相隨承旨之日撫掌擊節情之畜者辭不能

宣

魏志王朗傳  
并引魏略

### 遺孫伯符書

劉正禮昔初臨州、未能自達、實賴尊門爲之先後、用能濟江成治、有所處定、踐境之禮、感分結意、情在終始、後呂袁氏之嫌、稍更乖刺、更呂同盟、還爲讐敵、原其本心、實非所樂、康寧之後、常念淪平、更成復踐、宿好一爾分離、款意不昭、奄然殂隕、可爲傷恨、知敦呂厲薄、德已報怨、收骨育孤、哀亡愍存、捐既往之猜、保六尺之託、誠深恩重分、美名厚實也、昔魯人雖有齊怨、不廢喪紀、春秋善之、謂之得禮、誠良史之所宜藉、鄉校之所歎聞、正禮元子、致有志操、想必有已、殊異威盛、刑行施之、已恩不亦優哉、吳志劉繇傳

與魏太子書

不遺惠書、所已慰沃、奉讀歡笑、已藉飢渴、雖復萱草忘憂、皋蘇埋

勞、無已加也、

初學記二十七

與許文休書

三首

文休足下、消息平安、甚善甚善、豈意脫別三十餘年、而無相見之

緣乎詩人比一日之別于歲月豈况悠悠歷累紀之年者哉自與  
子別若沒而復浮若絕而復連者數矣而今而後居升平之京師  
攀附于飛龍之聖主儕輩略盡幸得老與足下並爲遺種之叟而  
相去數千里如有遭塞之隔時聞消息于風聲託舊情于思想眇  
眇異處與異世無已異也往者隨軍到荊州見鄧子孝桓元將粗  
聞足下動靜云夫子旣在益州執職領郡德素規矩老而不墮是  
時侍宿武皇帝于江陵劉景升聽事之上共論道足下至于通夜  
不寐拳拳飢渴誠無已也自天子在東宮及卽位之後每會羣賢  
論天下髦雋之見在者豈獨人盡易爲英士鮮易取最故乃假已  
原壤之朽質感夫子之情聽每敘足下已爲謀首豈其注意乃復  
過于前世書曰人惟求舊易稱同聲相應同氣相求劉將軍之與  
大魏兼而兩之總此二義前世邂逅已同爲睽非武皇帝之旨頃  
者蹉跎其泰而否亦非足下之意也深思書易之義利結分于宿

好故遣降者送吳所獻致名馬貂闕得因無嫌道初開通展敘舊情已達聲問久闊情協非夫筆墨所能寫陳亦想足下同其志念今者親生男女凡有幾人年竝幾何僕連失一男一女今有二男大男名肅年三十九歲生于會稽小兒裁歲餘臨書愴恨有懷緬然

蜀志許靖傳注引魏略又略見御覽一百八十五

過問受終于文祖之言于尚書又聞麻數在躬允執其中之文于論語豈自意得于老耄之齒正值天命受于聖主之會親見三讓之弘辭觀眾瑞之總集視升堂穆穆之盛禮瞻燔燎焜曜之青烟于時忽自巳爲處唐虞之運際于紫微之天庭也徒慨不得攜子之手共列于世有二子之數已聽有唐欽哉之命也子雖在裔土想亦極目而迴望側耳而遐聽延頸而鶴立也昔汝南陳公初拜不依故常讓上卿于李元禮已此推之吾宜退身已避子位也苟得避子已竊讓名然後綬帶委質游談于平勃之間與子共陳往

時避地之艱辛、樂酒酣讌、高談大噓、亦足遺憂而忘老、捉筆陳情、

隨曰喜笑、

蜀志許靖傳  
注引魏略

前夏有書而未達、今重有書、而并致前問、皇帝既深悼劉將軍之  
早世、又愍其孤之不易、又惜使足下孔明等士人氣類之徒、遂沈  
溺于羌夷異種之間、永與華夏乖絕、而無朝聘中國之期、緣瞻瞻  
故土、桑梓之望也、故復運慈念而勞仁心、重下明詔、已發德音、申  
敕朗等、使重爲書與足下等、已足下聰明、揆殷勤之聖意、亦足悟  
海岱之所常在、知百川之所宜注矣、昔伊尹去夏而就殷、陳平違  
楚而歸漢、猶曜德于阿衡、著功于宰相、若足下能弼人之遺孤、定  
人之猶豫、去非常之僞號、事受命之大魏、客主兼不世之榮名、上  
下蒙不朽之常耀、功與事並、聲與勳著、收績效足已、超越伊呂矣、  
既承詔直、且服舊之情、情不能已、若不言足下之所能、陳足下之  
所見、則無已宣明詔命、弘光大之恩、敘宿昔夢想之思、若天啟眾



心子導蜀意誠此意有攜手之期若險路未夷子謀不從則懼聲問或否復面何由前後二書言每及斯希不切然有動于懷足下周游江湖已暨南海歷觀夷俗可謂徧矣想子之心結思華夏可謂深矣爲身擇居猶願中土爲主擇居安豈可已不繫意于京師而持疑于荒裔乎詳思愚言速示還報也

周志許靖傳在引魏略

### 與鍾繇書

朗白近聞室人孫氏歸或曰大歸也共經憂樂既久矣曷爲一旦離析已至于歸而不反乎不得面談裁書敘心

細覽口口

### 論喪服書

鄭立云兄弟猶曰族親也無所不關之辭也吾已爲古學已九代之親爲九族謂兄弟者亦九代兄弟也凡屬乎父道者則父之兄弟在乎祖道者則祖之兄弟在乎子道者則子之兄弟在乎孫道者則孫之兄弟故族親亦可謂爲兄弟者也

通典七十三

相論

然仲尼之門童冠之羣不言相形之事抑者亦難據故也古之人固有懷不副其貌行不稱其聲者是故夫子曰言信行失之于宰子曰貌度性失之于子羽聖人之于聽察精矣然猶或有所不得曰此推之則彼度表捫骨指色摘理不常中必矣若夫周之叔服漢之許負各曰善相稱于前世而書專記其效驗之尤著者不過公孫氏之二子與夫周氏之條侯而已

藏文類聚七十五

雜箴

家人有嚴君焉井竈之謂也俾冬作夏非竈孰能俾夏作冬非井

孰閑

藏文類聚人十

貧寔語

諺曰魯班雖巧不能爲乞句者顏

御覽四百九十六

塞勢

余所與遊處唯東萊徐先生素習九章能爲計數問何曰代博奕者乎曰塞其次也乃試習其術曰驚睡焉御覽七百五十四

賜進士出身二品銜廣東等處提刑按察使司按察使兼管驛傳事務黃岡王毓藻校刊